



Nanortalimmi Utoqqaat Illuat
Skolevej B-929
3922 Nanortalik

11. oktober 2021

All. nr./brevnr.:
2021-900-0002-24
Sull./sagsbeh.: KJ/jh

Nanortalimmi utoqqaat illuanni misissuineq

1. Aallaqqaasiut

Utoqqaat illuanni Nanortalimiittumi misissuineq siumut ilimasaarutigineqareer-simasoq Inatsisartut Ombudsmandiannit misissuartortunit 4. aamma 5. maj 2021-mi ingerlanneqarpoq. Misissuineq taanna Ombudsmandeqarfipataatsimut sulineranut ilaattillugu ingerlanneqarpoq, taamaalillunilu naammagittaalliummik aalajangersimasumik tunngaveqarani misissuinerulluni.

Nalunaarusiamut ilangussaq misissuinermut inatsiseqartitsinikkut tunngaviusoq pillugu paasissutissanik imaqartoq innersuussutigaara.

Misissuartortut tassaapput immikkut siunnersorti Camilla Laudrup, fuldmægtig Kamilla Jensen aamma oqalutsit/nutserisut pisortaat Jørgen Hansen Ombudsmandeqarfimmeersut.

Taakkua saniatigut Kommuni Kujallermi isumaginnitoqarfimmi ingerlatsinermi pisortaq ingerlatsiviup peqataatitaatut misissuinerup ilaani najuuppoq.

Misissuinermi eqqartorneqartut ilaannaat nalunaarusiami matumani ilanngunne-qarput.

Utoqqaat illuat aamma Kommuni Kujallermi ingerlatsivik nalunaarusiaagallartoq manna pillugu oqaaseqaammik saqqummiussinissaminut periarfissinneqarput. Utoqqaat Illuata aamma Kommuni Kujalliup oqaaseqaataat e-mailikkut 20. au-

gust 2021-meersukkut tiguakka. Utoqqaat illuata oqaaseqaataanut ilassutit oqarasuaatikkut 13. september 2021-mi oqaloqatiginnermi pissarsiaraakka. Oqaaseqaatit nalunaarusiami ilanngunneqarput.

2. Misissuinerup piareersarneqarnera ingerlanneqarneralu

Utoqqaat illuat misissuiartussamaarnermik oqarasuaatikkut 16. marts 2021-mi ilisimatinneqarpoq, misissuinerlu pillugu paasissutissat amerlanerusut allakkatigut 25. marts 2021-meersutigut tigullugit. Utoqqaat illuat tamatumunnga atatilugu qinnuigaara sulisut, najugaqartut ilaquaasullu tamaasa misissuissamaarnermik misissuiartortunillu oqaloqateqarnissamut periarfissaqarnerannik ilisimateqqullugit.

Kommuni Kujallermi ingerlatsivik misissuiartussamaarnermik e-mailikkut 25. marts 2021-meersukkut ilisimatippara. Ingerlatsiviup misissuinerup ilaani erseqqinnerusumik isumaqatigiissutigineqartuni alapernaasertitaasutut peqataasinnaanera tamatumunnga peqatigitillugu neqeroorutigaara, tamannalu ingerlatsiviup kissaatigippagu ilisimateqqullunga.

Utoqqaat illuat najugaqartullu pillugit allakkatigut paasissutissat assigiinngitsut misissuineq sioqqullugu utoqqaat illuannit tiguakka.

Utoqqaat illuanni pisortaqtigii, tassalu pisortaq taassumalu tullersortaa, misissuiartortunit misissuinermi oqaloqatigineqarput.

Taakkua saniatigut sulisut arfineq pingasut najugaqartullu arfineq marluk ataa-siakkaarlugit misissuiartortunit oqaloqatigineqarput. Oqaloqatiginninnerni marlunni ilaquaasumik aamma najuuttoqarpoq.

Utoqqaat illuata initai misissuiartortunit aammattaaq misissorneqarput.

3. Utoqqaat illuat pillugu ataatsimut oqaatigisassat

Utoqqaat illuat kommunip utoqqarnik paaqqinnifiutigaa Nanortalimmiittoq, 24-nik ineeralik. Utoqqaat illuanni inissaq ataaseq oqilisaassinermi inissatut pigine-

garpoq. Misissuinerup nalaani utoqqaat illuanni 22-t aalajangersimasumik najugaqarput kiisalu oqilisaassivittut inissami ataaseq najugaqarluni.

Utoqqaat illuat marlunnik immikkoortortaqaqfiligaavoq. Immikkoortortaqaarfik A najugaqartunut paaqqutarisarialinnut qulinut inissalik, immikkoortortaqaqfillu B najugaqartut sinnerinut nammineersinnaanerusunut kiisalu puigortunngortunut naatsorsuussaasunik inissalik.

Utoqqaat illuata initaasa ilaat 2018-imi nutarterneqarput. Utoqqaat illuata initaasa sinneri 2020-mi iluarsaanneqarput.

Pisortaqatigiit misissuinermi oqaatigaat nutaaliornermi utoqqaat illuata puigortunngortut najugaqartussatut tigusalersimagai. Najugaqartut puigortunngortut Qaqortumi utoqqaat illuanni najugaqartussatut siusinnerusukkut innersuunneqartarsimapput. Pisortaqatigiit oqaatigaat najugaqartunut puigortunngortunut immikkut immikkoortortaqaqfiliornissaq pilersaarutigineqartoq.

4. Ombudsmandip pingarnerusutigut naliliinera

Pingaarnertut paasisara unaavoq utoqqaat illuat najugaqartunut avatangiisinkit toqqisisimanartunik neqerooruteqarfiusoq. Tamatuma saniatigut paasisara unaavoq utoqqaat illuanni pisortaqatigiit sulisullu najugaqartunut timikkut pissaaermik annertunerpaatigut atuinaveersaarnissaq eqqumaffigigaat, pissaanermilu qaqtiguinnaq atuisoqartartoq.

Sulisut suliassaminnik aallussilluartuusorinarlutillu isumassuilluartuusorinarp, sulisullu misissuartortunit oqaloqatigineqartut utoqqaat illuanni sulinertik pingarnerusutigut nuannaraat.

Najugaqartut misissuartortunit oqaloqatigineqartut amerlanersaasa oqaatigaat utoqqaat illuanni najugaqarnertik pingarnerusutigut nuannarigtsik sulisunillu pitsasumik pineqarlutik.

Init kusanartuupput eqqiluitsuullutillu, nuannersunngorlugillu aaqqissugaallutik, naak init ataatsimoortarfiit paaqqinniffippalaarnerulaaruartut.

Pissutsit arlalit oqaaseqaateqarnissannut pissutissaqalersippaannga. Taakku tul-liuttuni immikkoortuni 5-imit 9-mut allaaserineqarput.

5. Pissaanermik atuisarneq pillugu inatsimmik ilisimasaqarneq

5.1. Utoqqaat illuat allakkanni 25. marts 2021-meersuni ilaatigut qinnuigaara utoqqaat illuata najugaqartunut pissaanermik atuinermi tunaartarisassai uannut nassiuteqqullugit kiisalu 2019-imi 2020-milu pissaanermik atuinernik nalunaarutiginninnerit qassiunerat paasissutissiissutigeqqullugu.

Utoqqaat illuat e-mailikkut 16. april 2021-meersukkut akivoq pissaanermik atuinermi tunaartarisassaliortoqarsimanngitsoq, pissaanermillu atuinernik 2019-imi 2020-milu nalunaarutiginnittoqarsimanngitsoq.

Pisortaqtigiit misissuinermi oqaatigaat pissaanermik siusinnerusukkut atuisoqartarsimasoq, pissaanermilli atuineq pisariaqartinneqarunnaarsimasoq.

Pisortaqtigiit misissuinermi nassuaatitut oqaatigaat isumaginninnermik sulias-saqarfimmi pissaanermik atuisarneq pillugu malittarisassaqarnera pisortaqtigiit nalunngikkaat, pisortaqtigiillu isumaginninnermik suliassaqarfimmi pissaanermik atuineq pillugu Inatsisartut inatsisaat nr. 1, 21. november 2013-imeersoq kingusinnerusukkut allannguuteqartinneqarsimasoq (matuma kingornatigut pissaanermik atuisarneq pillugu inatsimmik taaneqartartussaq) atuarsimagaat. Pisortaqtigiit oqaatigaat inatsit internetsimut namminneq iserlutik atuarsimagitsik, kalaallisualti paasiuminaatsorujussuusoq.

Pisortaqaqtigiit aammattaaq oqaatigaat pissaanermik atuisarneq pillugu siusinnerusukkut pikkorissarttsisoqarsimasoq pikkorissaqqikkusussinnaallutillu, su-liassaqarfimmi taanna ilisimasaqarfiginerorusukkamikku.

Pissaanermik atuinernik nalunaarutiginninnermi immersugassanik immikkut ittunik Naalakkersuisunit suliarineqarsimasunik peqarnera oqaatigineqarmat pisortaqtigiit oqaatigaat pissaanermik atuinernik nalunaarutiginninnermi immersugassanik immikkut ittunik peqarnera nalugitsik, matumani immersugassat taakkua

sumi nassaarineqarsinnaanerat ilanngullugu eqqarsaatigalugu, taamatuttaarlu pissaanermik atuisarneq pillugu inatsit pillugu ilitsersuusiortoqarsimanera nalugitsik. Pisortaqtigiit pissaanermik atuinissaq pisariaqartikkunikku kommunimi kina attaveqarfigissanerlugu taamatuttaaq naluaat.

Ingerlatsiviup peqataatitaata tamatumunnga atatillugu oqaatiga pissaanermik atuinissamik qinnuteqaatit communalbestyrelsimit akuerineqartussasut, qinnuteqaatillu taamaattut ingerlatsiviup peqataatitaanut nassiunneqartassasut.

Pisortaqtigiit aamma oqaatigaat sulisut pissaanermik atuisimatillugit qanoq ilornissaannut aalajangersimasumik periaaseqartoqanngitsoq, sulisulli unneqqarisorujussuugamik nalornisaminnik iliuuseqarsimagaangamik tamatigut oqartartut.

Pisortaqtigiit sulisullu misissuartortunit oqaloqatigineqartut nassuaatitut oqaatigaat sulisut periaaseq una atortaraat, tassalu soorlu najugaqartup nangini taarsequnngippagu imaluunniit kigutini piffissami tassani salikkumanngippagit sulisut najugaqartoq misilillugu oqaloqatiginiaqqaartaraat, kingusinnerulaartukkullu utefigeqqissinnaasarlugu.

Pisortaqtigiit aamma oqaatigaat sulisut nutaat atorfinitinneqarnerinut atatillugu pissaanermik atuisarnermut tunngatillugu ilitsersuisoqartarsimasoq. Ukiulli arlalinngortut taamaaliortoqartarsimannilaq, tassami inatsisip assilinera – qanittooq tikillugu – sulisut mappiannit tammarsimammat. Pisortaqtigiit tamatumunnga atatillugu oqaatigaat sulisut nutaat pissaanermik atuisarneq pillugu ma-littarisassanik siunissami paasissutissinneqartarniartut.

Misissuartortut utoqqaat illuata takutissorneqarnerani maluginiarpaat pissaanermik atuisarneq pillugu inatsisip immikkoortuata III-p inersimasunut tunngasup kalaallisuuata qallunaatuatalu assilinerat sulisut inaanni allagarsiivimmi nivngatinneqartoq. Assilisaq taanna 19. marts 2021-mi naqitanngortinneqarsimavoq.

Kiisalu pisortaqtigiit misissuinermi oqaatigaat najugaqartut inatsit tunngavigalugu pisinnaatitaaffeqarnerminnik paasitinneqarsimanngitsut, matumani pissa-

nermik atuisoqarnera pillugu naammagittaalliornissamut periarfissat ilanngullugit eqqarsaatigalugit, najugaqartulli pisinnaatitaaffimminnik paasitinneqartarnissaat pisortaqtigiit qulakkeertariaqarunaraat.

Sulisut misissuartortunit oqaloqatigineqartut oqaatigaat pissaanermik atuisarneq pillugu malittarisassanik paasissutissinneqarsimanatik. Pissaanermik atuisarneq pillugu malittarisassaqarnera inatsisillu sulisut inaanniinera sulisut amerianersaasa nalunngilaat. Sulisut ilaasa inatsit atuarsimavaat. Immersugassat imikkut ittut pissaanermik atuinermik nalunaarutiginninnermi atugassatut Naa-lakkersuisunit suliarineqarsimasut sulisut ilisimanngilaat.

Najugaqartut misissuartortunit oqaloqatigineqartut tamarmik nassuaatitut oqaatigaat utoqqaat illuanni sulisunit timikkut pissaanermik atuiffigineqarsimanngisaannarlutik.

Sulisut misissuartortunit oqaloqatigineqartut oqaatigaat najugaqartunut pissaanermik atuisimannisaannarlutik. Pisortaqtigiilli pisoq ataaseq qaammatip aataatsip missaa qaangiuttoq pisimasoq oqaluttuaraat, tassanilu najugaqartoq utoqqaat illuannit qimagutinnginniassammat aalajangerlugu tigummineqarsimavoq. Pisoq nalunaarusiami immikkoortumi 6-imi sukumiinerusumik eqqartorneqarpoq.

5.2. Utoqqaat illuanni pisunik najugaqartoq pisariaqartumik paaqqutarisinnaajumallugu isumassorsinnaajumallugulu pinngitsaaliiffiusunik pilersoqarsinnaasnera paasisinnaavara. Pingaaruteqartumilli aalajangiisuusoq unaavoq sulisut najugaqartunut pissaanermik inatsisikkut akuerisaasuinnarnik atuisassasut, pissaanermillu taamatut atuineq najugaqartut inatsiseqartitsinikkut innarlitsaalineqarnerat pisariaqarneratut isiginiarlugu pisassasoq.

Sulisut utoqqaat illuanni paaqqutarinniffimmiluunniit najugaqartunut timikkut pinngitsaaliinermik atuinissamut periarfissaat pissaanermik atuisarneq pillugu inatsisikkut aalajangersarneqarput.¹

¹ Tamatuma saniatigut ilmagisariaqarpoq pisuni immikkut ittuni pissaanermik atuisoqarsin-naassasoq, imminut illersortariaqalernermi allatullu ajornartumik iliuuseqartariaqalernermi tunngaviit tunngavigalugit.

Oqaatigaara utoqqaat illuanni paaqqutarinniffinniluunniit najugaqartut ilaannaat pissaanermik atuisarneq pillugu inatsimmi pineqartunut ilaatinneqarmata. Taa-maalilluni pissaanermik atuisarneq pillugu inatsisip ilaa inunnut 18-it sinnerlugit ukiulinnut tunngasoq inunnut aalajangersimasunut eqqarsartaatsikkut annertuumik ataavartumillu pisinnaasakillisimasunut timikkut pinngitsaaliinermik atuinissamut taamaallaat periarfissiivoq, tak. pissaanermik atuisarneq pillugu inatsimmi § 3. Tassani pisut qanoq issusiat apeqqutaatillugu utoqqaat illuanni paaqqutarrinniffimmiluunniit najugaqartut puigortunngortut pineqartunut ilaatigut ilaatin-neqarsinnaapput.

Pissaanermik atuisarneq pillugu inatsit aalajangersakkanik arlalinnik inuit pissaanermik atuiffigineqarsinnaasut ataqqinassusiiaanngitsumik inatsiseqartitsinikkullu innarlitsaaliinermi illorsorneqarsinnaasumik pineqartarnissaannik qulakkeereqataasunik imaqarpoq. Pissaanermik atuisarneq pillugu inatsit pinngitsaaliinermik atueriaatsit inatsimmi erseqqissumik taaneqarsimasut kisimik atorneqarnissaannut taamaallaat periarfissiivoq. Pissaanermik atuineq sunaluunniit sioqqullugu inuup nammineq piumassutsini malillugu peqataanissaa anguniar-lugu iliuuserineqarsinnaasut iliuuserineqarsimassapput, tak. pissaanermik atuisarneq pillugu inatsimmi § 30, imm. 1.

Pissaanermik atuisarneq pillugu inatsit pillugu oqaaseqaatit aamma "Isumaginninnermik suliassaqarfimmi pissaanermik atuineq pillugu Inatsisartut inatsisaannut ilitsersuut – immikkoortoq III inersimasunut tunngasoq" 2013-imeersoq² Naalakkersuisullu nittartagaanni www.naalakkersuisut.gl-imi atuarneqarsinnaasoq innersuussutigaakka.

Pissaanermik atuisarneq pillugu inatsisip immikkoortuani II-mi meeqqanut tunngasumi § 27-kkut aalajangersarneqarpoq meeqqat angajoqqaatullu oqartusaassusermik tigummiaqartut immikkoortumi tassani malittarisassanik ilisimatin-neqarnissaat ulloq unnuarlu paaqqinniffiup pisortaata qulakkiissagaa, matumanitulleriinneri malillugit kommunimi uninngavigisami kommunalbestyrelsimit aam-

² Taamani Ilaqtariinnermut Inatsisinillu Atuutsitsinermut Naalakkersuisoqarfiusumit suliarine-qartoq.

ma Isumaginninnermi Naammagittaalliuteqartarfimmut naammagittaalliornis-samut periarfissaq ilanngullugu eqqarsaatigalugu.

Aalajangersakkap taassuma assinganik immikkoortumi III-mi inersimasunut tun-nasumi aalajangersagaqanngilaq.

Isumaqpungali inuit pissaanermik atuiffigineqarsinnaasut pissaanermik atui-sarneq pillugu malittarisassanik naammagittaalliornissamullu periarfissamik ilisi-matinneqartariaqartut, pissaanermik atuinerup inatsimmik unioqqutitsisuunngit-sup inatsimmilluunniit unioqqutitsisup pineqarnera apeqquatainnagu. Tamanna inuit taakkua naammagittaalliornissamut periarfissamik atuinissaminnut periar-fissaannut aalajangiisuulluinnartumik pingaaruteqarpoq.

5.3. Misissuartortut misissuinermi oqaloqtiginninneri aallaavagalugit paasisara unaavoq najugaqartunut timikkut pissaanermik atuinerup annertunerpaamik a-tornaveersaerneqarnissaa utoqqaat illuata pisortaqtigiivisa sulisullu eqqumaffi-gigaat. Uangali paasinninnera unaavoq taamatut eqqumaffiginninneq pissaanermik atuisarneq pillugu malittarisassanik naammaginartumik ilisimasaqarner-mik tunngaveqanngitsoq.

Uanga paasinninnera unaavoq pisortaqtigiit sulisullu malittarisassanik ilisimasa-qarnerannik nukittorsaanissaq ataatsimut pisariaqartinneqartoq, matumanit pissaanermik atuinermik nalunaarutiginnittarneq nalunaarsuisarnerlu pillugit malit-tarisassat ilanngullugit eqqarsaatigalugit.

Kommunip utoqqaallu illuata oqaaseqaataat Kommuni Kujalliuup nalunaarusiaa-gallartoq taanna tunngavigalugu 20. august 2021-mi nassiuppi, taakkulu utoq-qaat illuata pisortaanik oqarasuaatikkut 13. september 2021-mi oqaloqateqar-nermi itisilerneqarput.

Kommunip utoqqaallu illuata oqaatigaat Qaqortumi Eqqartuussivimmi sulisup utoqqaat illuanni pisortat pissaanermik atuinermik nalunaarutiginnittarneq pil-lugu malittarisassanik 1. juni 2021-mi ilitsorsorsimagai. Tamatumunnga atatil-lugu sulinermi tassani sakkussat tunniunneqarput, utoqqaallu illuata najuga-qartunut pissaanermik atuisoqarnissaa pisariaqartinneqarpat sumut saaffiginn-

nissani massakkut nalungilaa. Taamatut atuartitsineq Kommuni Kujalleq suleqatigalugu aaqqissuunneqarsimavoq, pisortallu Qaqortumi peqataasut paasisaminik utoqqaat illuanni sulisut sinnerinut kingusinnerusukkut ingerlatitseqqissimapput.

Kommunip tamatuma saniatigut oqaatigaa utoqqaat illuata pissaanermik atuisarneq pillugu malittarisassat pillugit paassisutissat sulisunut nutaanut tunniutta-leqqissimagai. Kommunip aammattaaq oqaatigaa utoqqaat illuini sulisunik pissaanermik atuisarneq pillugu inatsit pillugu pikkorissartitsinissaq kommunip inatisisilerituua peqatigalugu pilersaarutigineqartoq.

Kiisalu kommunip oqaatigaa utoqqaat illuat pissaanermik atuisarneq pillugu imersugassat pillugit paassisutissanik pissarsisimasoq, utoqqaallu illuata najuga-qartut tamanna pillugu sukumiinerusumik paassisutissinniarai.

Utoqqaat illuata Kommuni Kujalliullu oqaatigisaat maluginiarpakka, immikkoortumullu tassunga atatillugu annertunerusumik iliuuseqaqqissananga.

6. Pissaanermik atuinermik nalunaarsuisarneq nalunaarutiginnittarner- lu

Immikkoortumi 5-imi oqaatigineqartutut pisortaqtigiit misissuinermi oqaatigaat qaammatip ataatsip missaa siusinnerusukkut pisoqarsimasoq, tassanilu najuga-qartoq aalajangerlugu tigummineqarsimalluni, paaqqinniffimmit qimagutinnginiassammat. Pisortaqtigiit aammattaaq oqaatigaat najugaqartup tigummine-qarnissani nuannarinngikkaa. Pisortaqtigiit taamatuttaaq oqaatigaat pisoq allatut iliorluni aaqqinneqarsimasariaqarunaruqartoq.

Kiisalu pisortaqtigiit oqaatigaat pisoq nalunaarsorneqarsimanngitsoq, pisorlu nalunaarutigineqarsimanngitsoq.

Pissaanermik atuisarneq pillugu inatsimmi § 32, imm. 1-ikkut aalajangersarneqarpoq aalajangiilluni tigumminninneq inerteqqutaanngitsoq, inuup timikkut annertuumik ajoquusernissamut allanilluunniit ulorianartorsiortitsilernissaa ilimana-vissumik aarlerinaateqarpat, pisunilu ataasiakkaani pissutsit tamanna pisaria-

garluinnartippassuk. Pissaanermik taamatut atuineq pisuni ataasiakkaani pissut-sinut naleqqussarneqassaaq, pisariaqarluinnartumillu qaangiisuussanani, tak. inatsimmi § 32, imm. 2.

Pissaanermik atuineq suugaluarterluunniit najugarfiup nalunaarsortussaavaa kommunimilu uninngavigisami communalbestyrelsime aamma Naalakkersuisunut nalunaarutigisussaallugu, tak. pissaanermik atuisarneq pillugu inatsimmi § 53, imm. 1. Nalunaarsuineq nalunaarutiginninnerlu nalunaarutiginninnermi im-mersugassat immikkut ittut atorlugit pissaaq, tak. inatsimmi § 53, imm. 2.

Pisuni inatsimmik unioqquitsiffiusumi nalunaarsuineq ingerlaannartumik kingusinnerpaamillu pineqaatip aallartinneqarnerata aqaguani pissaaq. Tamanna pissaanermik atuisarneq pillugu inatsimmi § 54, imm. 1-ikkut aalajangersarne-qarpoq. Pineqaatit taamaattut kommunimi uninngavigisami communalbestyrel-simut aamma Naalakkersuisunut ingerlaannartumik kingusinnerpaamillu ullut pi-negasut qaangiutsinnagit nalunaarutigineqassapput.

§ 31, imm. 1, § 31, imm. 3, oqaaseqatigiit aappaat, § 31, imm. 4 kiisalu §§-it 32-35 tunngavigalugit pineqaatit ingerlaannaq nalunaarsorneqassapput, akuliunne-rullu pinerata kingusinnerpaamik aqaguani nalunaarsorneqassallutik, tak. § 55, imm. 1. Pineqaatit imm. 1 tunngavigalugu nalunaarsorneqartut kommunimut uninngavigisamut Naalakkersuisunullu qaammatikkaartumik nalunaarutigineqar-tassapput, tak. § 55, imm. 2.

Imm. 5.3-mi oqaatigineqartutut Kommuni Kujalliup utoqqaallu illuata pisortaata e-mailikkut 20. august 2021-meersukkut oqarasuaatikkullu 13. september 2021-mi oqaloqatigiinnermi oqaatigaat Qaqortumi Eqqartuussivimmi sulisup utoqqaat illuanni pisortat pissaanermik atuineq pillugu nalunaarsuisarneq pillugu malitta-risassanik ilitsorsorsimagai, pisortallu sulinermi tassani sakkussanik tunineqar-simasut, taamaalillutik pisortat sulisullu najugaqartunut pissaanermik atuinissaq pisariaqartikkunikku sumut saaffiginninnissartik massakkut nalunngikkaat.

Utoqqaat illuata pisumi eqqaaneqartumi aalajangiilluni tigumminninnermik pissaanermik atuisarneq pillugu inatsimmi malittarisassat tunngavigalugit nalunaar-suisimannginnera nalunaarutiginnissimannginneralu isorisarialittut isigaara.

Utoqqaalli illuata Kommuni Kujalliullu oqaatigisaat maluginiarpakka, immikkoortumullu tassunga atatillugu annertunerusumik iliuuseqaqqissananga.

7. Illumi malittarisassat

Utoqqaat illuata najugaqartunut illumin malittarisassai misissuineq sioqqullugu tiguakka. Illumi malittarisassat taakku pujortartarneq pulaartoqartarnerlu pillugit aalajangersakkanik ilaatigut imaqarput. Utoqqaat illuata tamatumunnga atatillugu oqaatigaa illumin malittarisassat 2021-p ingerlanerani nutarterneqarniartut, tassami Kommuni Kujallermi tamarmi assigiinnik malittarisassaqalersussamat.

Ingerlatsiviup peqataatitaata misissuinermi oqaatigaa ataatsimut illumin malittarisassiorluni sulineq suli aallartisarneqarsimanngitsoq.

Pisortaqtigiit oqaatigaat massakkut illumin malittarisassat taamaalillutik tassasut atuuttuusut, najugaqartullu najugaqartussatut allatsikkaangamik utoqqaat illuannit taakku ilanngullugit paasissutissinneqartartut.

7.1. Pujortartarneq

7.1.1. Utoqqaat illuata pujortartarneq pillugu illumin malittarisassaanit ilaatigut makku erserput:

“Najugaqartut inaanni pujortarneq inerteqqutaanngilaq, kisianni inersuarmi isersimaartarfiusumi pujortarneq inerteqqutaavoq, tassa najugaqartut ilaasa tupap puja sapermannuk.

Siniffimmi pujortarneq – taamatuttaaq - inerteqqutaavoq!

[...]

Pisortaqtigiit misissuinermi oqaatigaat najugaqartut namminneq ineeraanni pujortarneq inerteqqutaanngitsoq, ineeqqanili ikuallattoqalerneranik kalerrisaarutit

malussarissorujussuusut. Taamaattumik pujortartoqalerniariartoq ikuallattoqalerneranik kalerrisaarut aallartittarmat najugaqartut ineeqqaminni pujortarsinnaanngillat. Utoqqaat illuanni ataatsimoortarfinni pujortarneq inerteqquataavoq.

Pisortaqtigiit aammattaaq oqaatigaat najugaqartut ineeqqaminni pujortarneq ajortut, utoqqaallu illuata silataani utoqqaat illuata isaariaanut atasumi pujortartoqartarnissaa najugaqartut namminneq aalajangeeqataaffigisimagaat.

Pisortap nassuaatitut oqaatigaa najugaqartut ineeqqaminni pujortarsinnaatitaanertik nalunngikkaat, taamaaliorsinnaanngitsulli ikuallattoqalerneranik kalerrisaarutit aallartinnagit. Pisortaqtigiit najugaqartunik namminneq ineeqqaminni pujortarsinnaannginnerminnik naammagittaalliuutiginnittunik ilisimasaqanngilat.

Ingerlatsiviup peqataatitaata misissuinermi oqaatigaa najugaqartut namminneq ineeqqaminni inatsit tunngavigalugu pujortarsinnaatitaasut.

Misissuartortut sulisunik najugaqartunillu oqaloqateqarneri aallaavigalugit uanga paasisakka imaapput najugaqartut sulisullu amerlanersaat isumaqartut najugaqartut ineraanni pujortarneq inerteqquataasoq.

Najugaqartut marluk misissuartortunit oqaloqatigineqartut oqarput namminneq ineeqqaminni pujortartarusullutik.

7.1.2. Oqaatigaara pujortartarnermik inerteqquuteqarneq pillugu Inatsisartut inatsisaanni nr. 15-imi, 26. maj 2010-meersumi (matuma kingornatigut pujortartarneq pillugu inatsimmik taaneqartartussami) makku aalajangersarneqar-mata:

“§ 2. Inatsit makkunani atuuppoq:

[...]

4) Ilinniarfinni, meeqqanik paaqqinniffinni, matumanimeeqqanik angerlarsimaffinni ulluunerani paarsisartut ilanggullugit eqqarsaatigalugit, kiisalu ulloq unnuarlu paaqqin-niffinni, paaqqutarinniffittut angerlarsimaffinni, ilinniartut ineqarfiini sullissivinnilu taakkununnga assersuunneqarsinnaasuni.

[...]

§ 3. Inatsisip atuuffigisaasa iluini tupamik pujortarneq inerteqquaavoq, inatsisip aa-lajangersagartaani allani allatut aalajangersaasoqanngippat.

Imm. 2. Silami pujortartarfiliortoqarsinnaavoq. Silami pujortartarfiiit ininit allanit avis-saartillugit immikkuullarissumik silami pilersinneqassapput, oqorsagaanatik silammut ammaannartumik silaannarissarfilerlugit, anorimut sialummullu oqqiffissatut. Silami pujortartarfinni cigaritsikoorfinnik matoqqasunik ikkussuisoqassaaq. Silami pujortartarfiiit pujortarnermuinnaq atugassatut pilersinneqassapput, taamaattutullu atorne-qassallutik.

[...]

§ 5. Paaqqutarinniffittut angerlarsimaffinni, ulloq unnuarlu paaqqinniffinni, najuga-qarfissatut neqeroorutini, ilinniartut ineqarfiini assigisaannilu inunnit 18-it sinnerlugit ukiulinnit arlalinnit najuqarfigineqarnerusuni namminerisamik angerlarsimaffittut atuuttuni najugaqartut ataasiakkaat 18-it sinnerlugit ukiullit ineeqqami inissiami-luunniit angerlarsimaffittut najugaqarfigisaminni pujortarsinnaapput.

Imm. 2. Paaqqinniffik paaqqinniffimmi sulisut najugaqartullu allat pujortanngikka-luarlutik tupap pujuanik najuussuinissaannut illorsorniarlugit sunniuteqarluartunik su-liniuteqassaaq. Paaqqinniffiup najugaqartut peqqusinnaavai sulisut ineeqqami inissia-miluunniit namminerisatut angerlarsimaffittut atuuttumi isersimatillugit pujortartaq-qunagit."

7.1.3. Kommuni Kujalliuup e-mailikkut 8. juni 2021-meersukkut oqaatigaa utoq-qaat illuat najugaqartunik 7. juni 2021-mi ataatsimiitsisimasoq, najugaqartullu namminneq ineeqqaminni pujortarsinnaanerat ataatsimiinnermi tassani saqqum-miunneqarsimasoq.

Najugaqartut ineeraanni ikuallattoqarneranik kalerrisaarutit malussarissusiat u-toqqaat illuata qatserisartut pisortaat suleqatigalugu sakkukillisissimavaa, taa-maalillutik najugaqartut namminneq ineeqqaminni pujortarsinnaalerlutik.

Paasissutissiissutigineqartoq maluginiarpara, taamaattumillu tamaanna pillugu annertunerusumik iliuuseqaqqissananga.

Kommuni Kujallermi tamarmi, taamalu aamma utoqqaat illuanni, illumi malittari-sassat assigiit suliariniarneqarnerannik paasissutissiissutigineqartoq taamatut-

taaq maluginiarpara. Naatsorsuutigaara utoqqaat illuata ingerlatsiviullu pujortartneq pillugu inatsimmi malittarisassat tamatumunnga atatillugu isiginiaassagaat, illumilu malittarisassat ilumut atuutsinneqartut kisiisa ilanngutissagaat.

Naatsorsuutigaarattaq utoqqaat illuata illup silataani pujortartarfimmik pilersit-sinermut atatillugu pujortartarneq pillugu malittarisassat malissimagai.

7.2. Piffissat pulaarfissat

Utoqqaat illuata illumi malittarisassaani pulaartarneq pillugu makku erserput:

“Ilaquttatit ikinggutitillu sukkulluunniit tikilluaqquaapput nalinginnaasumilli illumiit anereersimassapput nal. 22:00.”

Utoqqaat illuata alakkarterneqarnerani misissuiartortut malugaat utoqqaat illuata isaariaata eqqaani utoqqaat illuata allagarsiiviani allagarsiussamik nivinngaa-soqarsimasoq nerinerup nalaani (ullaakkorsiornnerup, ullup qeqqasiornnerup un-nukkorsiornnerullu nalaanni) pulaarneq inerteqqutaasog.

Pisortap misissuinermi nassuaatitut oqaatigaa najugaqartut qaqugukkut pulaartoqarsinnaanerat killilersugaanngitsoq, matuli silarleq nal. 21-22-p missaani par-naarneqartartoq. Taamaalillutik najugaqartut kissaatigisamittut pulaartoqarsin-naapput. Pisortaqtigiit nassuaatitut oqaatigaat pulaartut nerinerup nalaani iser-tut oqarfingineqarneq ajortut, taamaalillutillu najugaqartut nerinerup nalaani aam-ma nal. 21-p kingornatigut pulaartoqarsinnaapput. Pisortaqtigiit nassuaatitut oqaatigaat matu silarleq nerinerup nalaani parnaarneqartartoq, utoqqaammi il-luata misigisarsimammagu najugaqartut ineeraat najugaqartut nerinerisa nalaani susassaqanngitsunit iserfigineqartarsimasut.

Utoqqaat illuata piffissat pulaarfiusartut pillugit malittarisassaasa utoqqaat illuata pisortaqtigiivinit oqaatigineqartut tunngavigalugit oqaaseqaatissaqalersinnngi-laannga.

Tulleriinneri malillugit illumi malittarisassani aamma allagarsiivimmi pulaartar-neq pillugu aalajangersakkanik pisortaqtigiinnit atuutsinniarneqanngitsunik illu-

mi malittarisassanit allagarsiivimmillu peerneqanngitsunik peqarnera pissusissa-misuunngitsutut isigaara. Tamanna suut atuuttuunerannik nalornissutiginniler-sitseqataasinnaavoq.

Piffissat pulaarfissat pillugit malittarisassanik ilumut atuutsinneqartunik peqarpat malittarisassat taakkua illumi malittarisassani allagarsiivinnilu takuneqarsinnaa-nissaat pissusissamisoornerpaatut isigaara.

Kommuni Kujallermi tamarmi, taamalu aamma utoqqaat illuanni, illumi malittari-sassat assigiit suliariniarneqarnerannik paasissutissiissutigineqartoq maluginiar-para. Naatsorsuutigaara piffissat pulaarfiusartussat pillugit malittarisassat atuut-sinneqarsinnaasut kisiisa utoqqaat illuata ingerlatsiviullu tamatumunnga atatil-lugu aalajangersassagaat.

7.3. Pulaartunik killilersuineq

Pisortaqtigiit misissuinermi nassuaatitut oqaatigaat aalakoortut pulaarnissaat utoqqaat illuata inerteqquqtitigaa, najugaqartummi pisinnaatitaaffii pulaartunit ataqqineqartussaammata, utoqqaammi illuat najugaqartut angerlarsimaffigim-massuk. Pisortaqtigiit oqaatigaat aalakoortut utoqqaat illuannut iseqqusaa-nginnerat allagarsiunneqarsimasoq.

Pisortaqtigiit oqaatigaat pulaartut aalakoortut immiaaqqanillu nassataqartut kisimik killilersuiffigineqartut, aalakoorlutillu immiaaqqanik nassarlutik pulaar-niartut ilaannikkut itigartinneqartartut.

Pisortaqtigiit aammattaq oqaatigaat aalakoortunik pulaartoqaqqusaannginnera najugaqartut amerlanersaasa nalunngikkaat.

Utoqqaat illuata matuani silarlermi allagarsiussaq imaattunik oqaasertalik ni-vinngarneqarsimasoq misissuiartortut misissuataarinermi malugaat:

“NAKEQQASIT PULAAQQUSAANNGILLAT!!!!!”

Misissuartortut pisortaqtigiinnik, najugaqartunik sulisunillu oqaloqateqarneri tunngavigalugit uanga paasisara unaavoq malittarisassat sorliit, matumani aala-koortunik imaluunniit aalakoortunik immiaaqqanik nassartunik pulaartoqartarneq ilanngullugu eqqarsaatigalugu, atuunnerat pillugu paasinninnerit assigiinngitsuu-sut.

Oqaatigaara pulaartarnernik killilersuinerit pillugit malittarisassat pissaanermik atuisarneq pillugu inatsimmi §§-ini 37-40-mi aalajangersarneqarsimammata.

Taakkunatigut aalajangersarneqarpoq najugaqartut ataasiakkaat namminneq i-neeqqaminni, aallaavittullu aamma inini ataatsimoortarfiusuni, kikkunnik qagu-gukkullu pulaartoqarumanertik namminneq aalajangissagaat. Piumasaqaatilli aalajangersimasut eqqortinneqarpata communalbestyrelsi pisuni aalajangersima-suni ataatsimoortarfinni, pisunilu immikkorluinnaq ittuni aamma najugaqartut namminneq ineeraanni, pulaarsinnaanermik killilersuisinnaapput.

Utoqqaat illuanni pissusilersoneq pillugu malittarisassanik aalajangersaasoqar-nissaata utoqqaat illuanni pisariaqartinneqarsinnaanera paasisinnaavara.

Tamatumunnga atatillugu oqaatigaara manna nalinginnaasumik ilimagisaasoq, tassalu paaqqinniffimi ataatsimut malittarisassat aalajangersimasut aaqqis-suussaanermut tunngasunik taaneqartartut tunngavigalugit aalajangersarneqar-sinnaasut, soorlu illumi malittarisassat, paaqqinniffimiinneq paaqqinniffimmilu pissusilersoneq paaqqinniffik pitsasuutissagaanni pissusissamisoortut pillugit malittarisassat tunaartarisassallu sukumiinerusut. Taakku tassaasinnaapput qa-qugukkut eqqissisoqarnissaa pulaarfissallu pillugit malittarisassat aamma imigas-saq pillugu politikki. Killilersuutinilli aalajangersaasoqarpat piumasaqaataavoq tamanna paaqqinniffiup siunertaa aallaavigalugu pisariaqartuussasoq, aamma iliutsinik sakkukinnerusunik allanik piusoqassanngitsoq.

Najugaqartut namminneq ineraanni ataatsimoortarfinniluunniit akornutaasumik pissusilersoneq pineqarpat, soorlu nipiliortoqarpat, illumi malittarisassani ta-manna pillugu aalajangersagaqarpat aalajangersakkat taamaattut innersuussuti-gineqarsinnaapput.

Utoqqaat illuata pisortaata sulisuma ilaannit oqarasuaatikkut 13. september 2021-mi oqaloqatigineqarnermini oqaatigaa tamanna utoqqaat illuata najuga-qartunut oqaloqatiginnissutigisimagaa. Pisortap aammattaaq oqaatigaa utoqqaat illuata aalakoorlutik pulaartut pulaartullu immiaaqqanik nassartut aneqquneq ajorai, najugaqartulli sinneri torersuutitsinissarlu eqqarsaatigalugit najugaqartup pulaarfingineqartup ineeraaneeqqullugit innersuuttarai.

Utoqqaat illuata oqaatigisai maluginiarpakka, immikkoortorlu taanna pillugu an-nertunerusumik iliuuseqqissananga.

Kommuni Kujallermi tamarmi, taamalu aamma utoqqaat illuanni, illumi malittari-sassat assigiit suliariniarneqarnerannik paasissutissiissutigineqartoq aammattaaq maluginiarpara. Naatsorsuutigaara utoqqaat illuata ingerlatsiviullu pissaanermik atuisarneq pillugu inatsimmi pulaartoqarnissamik killilersuinerit pillugit malittari-sassat eqqumaffigissagaat.

8. Najugaqartup pigisaanik (savimmik ukusartumik) arsaarinninneq

Pisortaqtigiiit pisoq misissuinerup nalaani oqaluttuaraat, tassanilu sulisup paasi-simavaa najugaqartoq puigortunngortoq savimminik ukusartumik ineeqqaminii-titaqartoq. Sulisup pisortaqtigiiit attaveqarfigai, savillu ukusartoq tamatuma ki-ngornatigut arsaarinnissutigineqarluni, pisortaqtigiiimi naliliimmata najugartup puigortunngortup ukusartumik saveqarnera ulorianartuusoq.

Pisortaqtigiiit oqaatigaat savik ukusartoq arsaarinnissutigineqarmat najugaqar-toq najuussimangitsoq, saviullu ukusartup utoqqaat illuannit arsaarinnissutigi-neqarnera najugaqartumut paasissutissiissutigineqarsimangitsoq. Pisoq allat-tuiffimmi allanneqarsimavoq. Kiisalu pisortaqtigiiit oqaatigaat savik ukusartoq inuanut suli utertinneqanngitsoq.

Pisortap oqarasuaatikkut kingusinnerusukkut oqaatigaa pisoq taanna 2021-mi fe-bruarimi pisimasoq, naliliisoqarsimasorlu najugartup puigortunngortup ukusartu-mik saveqarnera ulorianartuusoq, najugaqartummi sulisut savimmik siusinneru-sukkut qunusaareersimammagit.

Utoqqaat illuanni puigortunngortunit najugarineqartumi najugaqartumut, sulisunut allanulluunniit ulorianarsinnaasutut utoqqaat illuata naliligaannik, taamaattumillu najugaqartoq, sulisut allalluunniit illersorniarlugit aamma eqissisimaneq tofersuunerlu anguniarlugit akuliuffigisaanik pisoqarsinnaanera paasisinnaavara.

Ingerlatsinerli pillugu inatsiseqartitsinermi inatsimmut naapertuuttumik tunngavissaqartussaanermik tunngaviup nalinginnaasup manna nassataraa, tassalu ingerlatsiviup sulinera inatsimmik imaluunniit inatsiseqartitsinermi aallaavimmik akuerisaasumik tunngaveqassasoq. Akuliunneq annertusiartortillugu inatsisikkut tunngavigisaq qularnaannerujartussaaq. Tamanna kommunit utoqqaat illuutanut paaqqutarinnifiutaannullu aamma atuuppoq.

Pissaanermik atuisarneq pillugu inatsisip immikkoortua II meeqqanut tunngasoq soorlu meeqqat ulloq unnuarlu paaqqinniffinni sikaaviinik misissuisarneq pillugu malittarisassanik imaqarpoq. Inatsilli inersimasunut najugaqaqtigiiffinni, matuman utoqqaat illui ilanggullugit eqqarsaatigalugit, najugaqartunut akuliunnerit pillugit malittarisassanik taamaattunik imaqanngilaq.

Nalinginnaasumik ilimagineqarpoq pisortat paaqqinnifiutaat pissutsit aaqqisuussaanermut tunngasunik taaneqartartut tunngavigalugit ataatsimut malittarisassanik aalajangersimasunik aalajangersaasinnaasoq aalajangersimasunillu paaqqinniffiup ingerlaneranut pisariaqartunik aalajangiisinnaasoq. Ilaatigullu innuttaasut kiffaanngissuseqarnissamut pisinnaatitaaffiisa, matuman Tunngaviusik Inatsit aamma Europami Inuit Pisinnaatitaaffi pillugit Isumaqtigiissut tunngavigalugit pisinnaatitaaffiit ilanggullugit eqqarsaatigalugit, pissutsinik aaqqissuussaanermut tunngasunik tunngavittut atuisinnaaneq arlalitsigut killissaler-sorpaat.

Uanga naliliinera unaavoq utoqqaat illuat najugaqartup pineqartup nammineq pigisaanik (savianik ukusartumik) arsaarinninnissamut inatsisikkut pisariaqneratut tunngavissaqarsimanngitsoq.

Utoqqaat illuata najugaqartup nammineq pigisaanik taamaaliornissamut inatsisikkut pisariaqneratut tunngavissaqarani arsaarinnissimanera isorisarialittut isigaara.

Inassutigaara utoqqaat illuata, imaasinnaavoq Kommuni Kujallermi ingerlatsivik suleqatigalugu, aaqqiissutissamik pisumi pineqartumut utoqqaat illuata najugaqartup nammineq pigisaanik (savimmik ukusartumik) arsaarinnissimanertut ittumi inatsiseqartitsinermut naapertuuttumik nassarniassasoq.

Tamatuma saniatigut kaammattutigaara siunissami matuma pissuseqataanik pisoqarnerani, imaluunniit najugaqartup savimmik sulisumut najugaqartumul-luunniit allamut qunusaarinerani utoqqaat illuata sulisuisalu sunik periarfissaqar-nerisa utoqqaat illuannit pisariaqarneratut ilisimasaqarfingineqarnissaata qulak-keerneqarnissaa utoqqaat illuata, imaassinnaavoq Kommuni Kujallermi ingerlat-sivik suleqatigalugu, suliniutigissagaa, matumani pisariaqarpat politiit suleqatigi-neqarnerat ilanngullugu eqqarsaatigalugu.

9. Najugaqartoq piumanngitsoq utoqqaat illuanni inissinneqarsimasoq

Pisortaqtigiiit misissuinermi oqaatigaat utoqqaat illuanni najugaqartut puigortungortut ilaat piumanngitsoq 2020-mi inissinneqarsimasoq. Pisortaqtigiiit tamatumunga atatillugu oqaatigaat suliassaq taanna inissiiniartartoqatigiittut ataatsimiititaliamit suliarineqarsimasoq.

Pisortaqagiit aammattaaq oqaatigaat najugaqartup utoqqaat illuanniinnini mas-sakkut nuannarigaa.

Najugaqaqatigiiffittut neqeroorutini najugaqartussanik akuersisitsinani tigusisar-neq pissaanermik atuisarneq pillugu inatsisikkut aalajangersaavigineqarpoq.

Taamaalilluni pissaanermik atuisarneq pillugu inatsit §§-ini 36-mi, 42-mi, 43-mi, 49-mi aamma 50-imni inunniq najugaqaqatigiiffittut neqeroorutini najugaqartus-sanik najugaqartussatut erseqqissumik tiguneqarumanngitsunik aamma inunniq tiguneqarnissamut erseqqissumik akuersisinhaassuseqanngitsunik akuersisitsinani tigusisarneq pillugu aalajangersakkanik arlalinnik imaqarpoq.

Aalajangersakkatigut taakkunuuna ilaatigut aalajangersarneqarpoq kina/kikkut akuersisitsinani tigusisoqarnissaanik aalajangiisinjaanersut, aalajangiinerlu taa-

maattoq inatsisinik unioqqutitsisuussanngippat piumasaqaatit suut eqqortinnejarsimassanersut. Inatsit taakkua saniatigut inatsiseqartitsinikkut innarlitsaa-liinerni qularnaveeqqutinik arlalinnik imaqarpoq, matumani Isumaginninnermi Naammagittaalliuuteqartarfimmut naammagittaalliornissamut periarfissaq, eqqartuussivikkut misiliisitsinissamut immikkut ajornanngitsumik periarfissaq kom-munalbestyrelsillu inummut akuersitinneqarani inissinneqarsimasumut eqqartuussissuserisumik ikiortiliinissaminut pisussaaffeqarnera ilanggullugit eqqarsaatigalugit.

Utoqqaat illuanni najugaqartup pineqartup najugaqartussatut tiguneqarsimana-nera pillugu apeqqu suliami allami immikkut suliariniarpara.

Pisoq taanna nalunaarusiamni matumani eqqartoqqinnejassanngilaq.

10. Malitseqartitsineq

Utoqqaat illuat qinnuigaara sulisut, najugaqartut ilaquaasullu nalunaarusiamik matuminnga ilisimateqqullugit.

Utoqqaat illuat qinnuigaara nalunaarusiap immikkoortuani 8-mi oqaatigisakka qanoq iliuuseqarnissamut pissutissaqalersitsinersut paasissutissiissutigeqqullugu. Utoqqaat illuat qinnuigaara paasissutissat taakku Kommuni Kujallermi inger-latsivik aqqutigalugu nassiuteqqullugit, taamaalilluni ingerlatsivik utoqqaat illuata oqaatigisimasai pillugit oqaaseqaateqarnissaminut periarfissaqarsinnaaqqullugu.

Nalunaarusiaq matuma assilinera Kommuni Kujallermi ingerlatsivimmut nassiup-para.

Nalunaarusiaq manna 2021-mi ukiumoortumik nalunaarutinni ilangunneqas-saaq nittartakkannilu www.ombudsmandi.gl-imi tamanut saqqummiunneqaru-maarluni.

Misissuinerup inatsiseqartitsinikkut tunngavisaat

Ombudsmandip sulineranut inatsiseqartitsinikkut tunngavigisaq Inatsisartut Ombudsmandiat pillugu Inatsisartut inatsisaanni (matuma kingornatigut Ombudsmandi pillugu inatsimmik taaneqartartussami) nr. 7-imi, 1. juni 2017-imeersumi aalajangersarneqarpoq.

Inatsisartut Ombudsmandiat Inatsisartunit qinerneqartarpoq, tak. Ombudsmandi pillugu inatsimmi § 1, imm. 1, sulinerminili Inatsisartunut attuumassuteqarani, tak. § 6, imm. 1. Kalaallit Nunaanni Namminersorlutik Oqartussat kommunillu ataanni pisortat ingerlatsiviisa ilaat tamarmik Ombudsmandip sulinerani pineqartunut ilaatinneqarput, tak. Ombudsmandi pillugu inatsimmi § 7, imm. 1-imi oqaaseqatigiit siulliit.

Oqartussaasut inuillu Ombudsmandip sulinerani pineqartunut ilaatinneqartut inatsiseqartitsineq atuuttoq unioqqutillugu iliuuseqarnersut suliassaminilluunniit ingerlatsinerminnut atatillugu allatigut kukkussuteqarnersut sumiginnaanersul- luunniit Ombudsmandip misissugassaraa, tak. Ombudsmandi pillugu inatsimmi § 19, imm. 1. Ombudsmandi isornartorsiusinnaavoq, inassuteqaateqarsinnaalluni suliamillu paasinninnini aamma saqqummiussinnaallugu, tak. Ombudsmandi pillugu inatsimmi § 20.

Ombudsmandi pillugu inatsimmi § 16-imi oqaaseqatigiitsigut siullertigut aalajangersarneqarpoq paaqqinniffiit suliffeqarfiiilluunniit kiisalu atorfefarfiit allat Ombudsmandip sulinerani pineqartunut ilaatinneqartut suulluunniit Ombudsmandip misissorsinnaagai. Taamatut misissuinermut atatillugu – Ombudsmandi pillugu inatsimmi §§-ini 19-imi 20-milu aalajangersarneqartut saniatigut – Ombudsmandip pissutsit paaqqinniffiup aaqqissuussaaneranut ingerlanneqarneranullu tunngasut kiisalu pissutsit paaqqinniffimmik atuisut pineqartarnerannut taakkulu pilligit ingerlatanut tunngasut inuppalaartumik misiggartumillu isiginnittaaseq aallaavigalugu naliliiffigisinnaavai, tak. Ombudsmandi pillugu inatsimmi § 16-imi oqaaseqatigiit aappaat.